



1. september 2023

Inatsisartut suleriaasianni § 37 imm. 1 naapertorlugu Naalackersuisunut apeqquteqaat imaattoq matumuuna saqqummiuppara.

Naalackersuisunut apeqqutit:

- 1. Umiammakku qanitaani qaqqaq, kiisalu Kingarsimami qaqqaq nakkaariaannartut naliligaasut pillugit paasissutissat nutaanerit siusinnerusukkut ilimasaarutinit sanilliullugit allaanerussuteqarpat?**
- 2. Nunaqarfiit innuttaasunit qimagutsiffiusut, Illorsuit Nuugaatsiarlu, ammaqquissinnaanerat pillugu paasissutissat nutaanerusut tikkuussippat?**
- 3. Pineqartuni innuttaasut qaqugumita ilisimatinneqarsinnaassappat nunaminnut uteqqissinnaanertik pillugu?**
- 4. Maanna ukiut arfinillit qimaqqaneqarmata illut innuttaasut pigisaat, kiisalu illuutit suliffeqarfiit pigisaat aserfallapput. Aalajangertoqassappat innuttaasut utissasut, taava illut tamakkua pisortat aaqquissuunnissaat isumagissavaat?**
- 5. Uummannap sulluani upalungaarsimaneq, aarlerisaarutillu maanna atuuttut suli attanneqassappat?**
- 6. Atortorissaarutit tamakkiisumik ikkussuunneqarnissaat suli piffissamik sivilisunermik atuiffiussava?**

(Inatsisartunut ilaasortaq Jens Kristian Therkelsen, Siumut)

Tungavilersuut:

Aningaasaqarnermut, Naligiissitaanermut, Aatsitassanut Inatsisillu Atuutsinneqarnerannut Naalackersuisoq Juulip naalernerani Uummannami Nunaqarfiinilu Qaqqat nakkaariaannaat pillugit



ataatsimiisitsisarluni angalavoq. Angalanermi malunnarpoq innuttaasut soqutiginnittut paasissutissanik sukumiinerusunik pissarserusullutik.

Neriullunga akissutinik pissarsilluassallunga, innuttaasut suli - pingaartumik Illorsuarnut uterusuttut noqqaassuteqartuarmata paasisaqarusuttarlutik - maannalu qaqqani atortorissaarutit ikkussuunneqarsimasut paasissutissanik pitsaanerusunik pissarsiffiussammata tamakku tamarmik qanoq inissisimanersut paaserusuppakka.

Apequtigineqartut ullut suliffiusut qulit iluanni akeqquneqarput.